

欽定大清會典事例

欽定大清會典事例卷四百七十三

禮部

喪禮

穆宗毅皇帝大喪儀一

穆宗毅皇帝大喪儀。○同治十三年十二月初五日。
穆宗毅皇帝崩。

遺詔曰朕蒙

皇考文宗顯皇帝覆載隆恩。付畀神器。沖齡踐祚。寅紹
丕基。臨御以來。仰蒙

兩宮

皇太后垂簾聽政。宵旰憂勞。嗣奉

懿旨命朕親裁大政。仰維

列聖家法。一以敬

天法

祖勤政愛民為本。自維薄德。敢不朝乾夕惕。惟日孜孜。十餘年來。稟承

慈訓。勤求上理。雖幸官軍所至。粵捻各逆。次第削平。滇黔閩隴苗匪回匪。分別勦撫。俱臻安靖。而兵燹之餘。吾民瘡痍未復。每一念及。寤寐難安。各直省遇有水旱偏災。凡疆臣請蠲請賑。無不立沛恩施。深宮兢惕。之懷。當為中外臣民所共見。朕體氣素強。本年十一

月適出天花。加意調攝。乃邇日以來。元氣日虧。以致
彌留不起。豈非天乎。顧念統緒至重。亟宜傳付得人。
茲欽奉

兩宮

皇太后懿旨。醇親王奕譞之子

著承繼

文宗顯皇帝為子。入承大統。為嗣皇帝。特諭嗣皇帝仁
孝聰明。必能欽承付託。

天生民而立之君。使司牧之。惟日矢憂勤。惕厲於以知
人安民。永保我不丕基。並孝養

兩宮

皇太后仰慰

慈懷兼願中外文武臣僚共矢公忠各勤厥職用輔嗣
皇帝致隆之治則朕懷藉慰矣喪服仍依舊制二十
七日而除布告天下咸使聞知○又欽奉

慈安端裕康慶皇太后

慈禧端佑康頤皇太后懿旨著派惇親王奕訢恭親王
奕訢醇親王奕譞科爾沁博多勒噶台親王伯彥訥
謨祜貝勒奕劻固倫額駙公景壽大學士寶鋆吏部
尚書總管內務府大臣英桂禮部尚書靈桂工部尚
書李鴻藻恭理喪儀敬謹辦理○初六日行大斂禮

皇帝截髮辮成服。

乾清宮宮眷等以及內監女子均翦髮成服。內務府官員領催拜唐阿俱截髮辮成服。內務府三旗官員護軍領催拜唐阿之妻及管領下執事男婦等俱翦髮成服。工部豫設丹旒於

乾清門外之左。鑿儀衛陳

法駕鹵簿於

乾清門外至

太和門外。工部內務府官及內監等於

几筵殿中設黃幔。左右素帷。供牀南嚮坐褥具。前設供

案香盒鑪鐙具。內外齊集。

皇帝立殿檐東西嚮哭。衆傳哭。

乾清宮宮眷公主福晉等。均於黃幔內之西東嚮。以次立。王公百官等。福晉郡主命婦等各辨位。集俟內監啟門。恭理喪儀。王大臣及執事官率尚茶尚膳。由中門入。

皇帝入殿左門詣

几筵前正中立。尚茶跪進茶。衆皆跪。

皇帝舉茶奠於案。行一拜禮。衆隨行禮。尚茶徹茶。次尚膳進膳。揭巾幕。

皇上親上食畢。執事官進奠几於正中。

皇帝詣奠几前跪。捧爵大臣跪進爵。

皇帝祭酒三爵。每祭一拜興。衆隨叩興。乃徹饌。闔門哀止。

皇帝還倚廬。衆各退。○每日朝晡日中三奠。陳法駕。函簿。內外齊集。

皇帝出倚廬詣

几筵前。東立西嚮哭。衆傳哭。迺啟

宮門。

皇帝親舉茶上食奠酒。行禮如儀。○自初六日晡祭。

起每日早午晡。派載治載澂載漪載瀛載瀾載澗輪流奠酒。○又奏准治喪事宜。一百日內。

上諭批本用藍筆。各部院奏章俟十五日後具奏。二十七日內。奏疏文移俱用藍印。○王以下文武各官。閒散宗室覺羅等。公主福晉以下。鄉君奉恩將軍妻。恭人以上。民公夫人以下。佐領三等侍衛妻以上。宗室之女等。俱成服。在京之外藩。公主福晉格格等。額駙王台吉等。及外國貢使。均令成服。其二十七日內至京者。一體成服。二十七日後至者。男去冠纓。女去首飾三日。○宗

室覺羅及滿漢大臣官員緣事革職者均准成服。專司

壇

廟

堂子

奉先殿

壽皇殿

坤寧宮祭

神殿

陵寢一應祭祀事務官員內監及出征官兵軍營辦事

人等均停止孝服。其有父母新喪子女出痘者亦暫免成服。仍百日不雜髮。一齊集處所近

御王大臣

乾清門侍衛等在

乾清門內五旗王以下八分公以上內大臣內閣大學士前鋒統領護軍統領上三旗都統副都統內閣學士等上三旗侍衛閒散宗室覺羅包衣官員在

乾清門外五旗都統副都統八旗官員各部院滿漢大臣官員在京之外任大臣官員凡應齊集

人員在

景運門外俱分翼排立如命婦不齊集日右翼大臣官員在

隆宗門外排立每日三次俟

梓宮前奠獻時隨班舉哀行禮一公主福音等在

景山柵欄外乘馬進

神武門至

蒼震門下馬進內在

几筵殿內行禮五旗王等福音郡主等由

景山柵欄外乘馬進

神武門至

隆宗門下馬進內大臣等命婦應進內者由

景山柵欄外乘馬至

神武門下馬步行進

隆宗門均在

几筵殿下丹墀右行禮其不應進內之命婦等於

隆宗門外齋集均每日三次隨班舉哀行禮。第一

四日。王貝勒貝子公等公主王福晉等在各私

第齋室。部院官員在各公署。八旗及閒散官員

在各衙門。喪服二十七日。以初喪日為始。於每

日齊集時均齊集。恭理喪儀。王大臣守衛執事。各員喪服百日。近派宗室。二十七月內不嫁娶。遠派宗室。及在京王公大臣文武官員。期年內不嫁娶。二十七月內不作樂。不燕會。在京文武候補候選官員。教習進士舉貢肄業監生。吏典僧道官。俱冠去纓緯。穿素服。在順天府齊集三日。早晚舉哀。在京軍民人等。男去冠纓。女去首飾。素服二十七日。百日不嫁娶。不作樂。二十七日不祭祀。自王公以至軍民人等。均百日不雜髮。一在京寺廟各撞鐘三萬杵。

諭各直省督撫都統副都統提鎮城守尉並盛京侍郎奉天府府尹及西北兩路將軍大臣並學政鹽政織造關差等均不必奏請來京叩謁

梓宮致曠職守。○初八日奉

旨除總理喪儀王大臣照例穿孝百日外孚郡王惠郡王奕詳貝勒載治載澂鎮國公奕謨禮親王世鐸睿親王德長肅親王隆勳貝勒載漪輔國公載瀛輔國將軍載澗散秩大臣符珍軍機大臣文祥沈桂芬總管內務府大臣崇綸魁齡榮祿明善貴寶文錫弘德殿行走徐桐翁同龢王慶祺御前行

走貝勒那爾蘇鎮國公棍楚克林沁御前侍衛都
統春佑明慶安興阿前鋒統領廣科托雲護軍統
領克興阿副都統熙拉布扎拉豐阿照祥均著穿
孝百日此外所有王大臣官員等均著二十七日
釋服○又

命大學士九卿等敬擬

大行皇帝尊謚

廟號○初十日

諭各省督撫鹽關織造向有呈進方物現當哀痛之
時食處皆所不安著通諭各省督撫鹽政織造關

差等一應貢獻概行停止。即食品亦不准進呈。俟三年後再候諭旨。○十一日行殷奠禮。用楮錠三萬。楮錢三萬。色楮三萬。連飯卓二十一張。羊九酒十一瓶。讀文致祭。衆皆齋集。五鼓工部設幕於

乾清門外之西。置奠几。陳燎牀於燎所。具楮幣。設祭文案於殿內稍西。鑿儀衛官校陳

法駕鹵簿內監設

冠服篚於供牀。恭理喪儀。王大臣內務府大臣率執事官陳果筵於

几筵前列饌筵於階下兩旁。陳羊酒於幕內。讀祝官奉祭文。禮部堂官二員前引由。

乾清門中門入。設於案出。王公百官等各辨位集俟。屆時禮部堂官奏請。

皇帝詣

几筵前。東立西嚮。舉哀。衆咸舉哀。尚茶跪進茶。衆皆跪。皇帝舉茶奠於案。行一拜禮。衆隨行禮。尚茶徹茶。次尚膳進膳。揭巾幕。

皇帝親上食畢。讀祝官奉祭文於案左。跪。禮部堂官二員左右跪。恭展祭文。執事官進奠几。

皇帝於几前跪。衆皆跪。哀暫止。讀畢復於案退。舉哀。
傳哭如初。奉爵大臣跪進爵。

皇帝祭酒三爵。每祭一拜興。衆隨叩興。

皇帝復位。乃徹饌。讀祝。官奉祭文。禮部堂官前引。由中門出。至燎所東旁避立。內監恭請。

冠服。籬宮殿監侍二人前引。由中門出。

皇帝豫出。

乾清宮左門。

冠服至。跪候過興。還倚廡。

冠服至階下。前引大臣十員前引。由中門出。齊集之王。

公大臣官員等。按翼排立。俱跪候過。隨行至燎所俟。

冠服恭安於燎。牀畢。讀祝官將祭文安於

冠服前。派出之奠酒。王祭酒三爵。禮部堂官遞酒杯。每祭行一叩禮。衆皆隨行禮。舉哀畢。各退。○又奏楮堆處奠酒奉

旨。派載激載漪輪流奠酒。○十三日恭頒

遺詔儀與咸豐十一年同。○又奏准頒發

遺詔。請遵照乾隆四十二年成案。由禮部封交兵部轉

交各提塘遞送。

詔書到日。直省文武各官率紳士耆老摘纓素服出郊
跪迎。至公署安設。行三跪九叩禮。跪聽宣讀畢。
立舉哀。復行三跪九叩禮。文武官均成服二十
七日。三日內率紳士人等朝夕舉哀。命婦等亦
穿素服二十七日。直省官員百日內不嫁娶。期
年內不作樂。直省軍民人等素服二十七日。一
月內不嫁娶。百日內不作樂。官員軍民人等以
大事之日為始。均百日不雜髮。督撫提鎮等官
停止進香。遣使頒發。

遺詔於朝鮮國。國王率羣臣素服恭迎。止鼓樂。使臣就

館不受燕饗。其外藩蒙古諸部由理藩院派員齋往。儀與朝鮮同。○又

諭。昨據王大臣等奏。三年之喪。難以舉行。請仍依舊制。業經降旨明白。宣諭朕承

大行皇帝付託之重。惟有恪守禮經。藉申哀悃。非以持服三年。遂為盡哀盡禮也。今王大臣等復援引舊章。合詞奏請。敬稽嘉慶二十五年

仁宗睿皇帝大喪

皇祖宣宗成皇帝係持服百日。道光三十年

宣宗成皇帝大喪

皇考文宗顯皇帝係持服百日。咸豐十一年

文宗顯皇帝大喪。

大行皇帝亦持服百日。俱因臣工等籲請再三。未遂
聖志。今朕哀慟雖深。亦何敢有逾

成憲。不得已勉從所請。縞素百日。仍素服二十七日。該
王大臣等不必再行瀆請。至三年內恭遇

郊

社

宗廟祀典朝儀一切服色。著王大臣等均查照成例。敬
謹辦理。○又奏准。次年正月初二日。係二十七日

除服之期應請遵照成案。除應百日釋服人員外。所有王公百官等。均於初二日朝奠後釋服。其

內庭主位釋服由內務府辦理。二十七日後每日三次齋集之處。照例停止。遇祭日。內外仍齋集。百日內。內務府三旗男婦輪班齋集。○十六日奏准。

梓宮奉移

觀德殿暫安於二十五日行大祭禮後請

皇帝開五日親詣一次。百日後開七日親詣一次。

親詣之日。午晚二供。仍照咸豐十一年成案。由派出之載治。載澂。載漪。載瀛。載瀾。載澗。輪班奠酒。其不親詣之日。每日三次供獻。例應派王大臣輪班奠酒奉

御筆圈出禮親王世鐸。睿親王德長。豫親王本格。肅親王隆勳。惠郡王奕詳。克勤郡王晉祺。順承郡王慶恩。貝子載容。奉恩鎮國公奕謨。溥楙。○十八日大學士九卿等恭擬敬上

尊諡徽稱曰

繼天開運。受中居正。保大定功。聖智誠孝。信敏恭寬。毅

皇帝

廟號曰

穆宗。天下萬世稱為

穆宗毅皇帝。奏入奉

諭。大學士九卿會同議上

大行皇帝

尊諡曰

毅皇帝。

廟號曰

穆宗。上配

列聖同為百世不祧之廟。欽惟
大行皇帝至德英明。功昭聖武。

宸衷深遠。學懋緝熙。仰

巍蕩之難名。實寰區所共戴。今廷臣所議詳慎公允。此
天下萬世之公論。非朕一人哀慕尊崇之私願。亦
非臣下尊親頌美之私情也。謹據所奏。恭上

尊諡

廟號。所有應行典禮。該部敬稽成例以聞。○十九日卯

時封

寶。係在二十七日內。

皇帝御青長袍褂冠緞纓緯其各衙門封印亦遵照
成案屆時以堂官一人穿青長袍褂冠緞纓緯
行禮○是日行啟奠禮用楮錠三萬楮錢三萬
色楮三萬連飯卓二十一張羊九酒十一瓶讀
文致祭陳

法駕鹵簿衆皆齊集卯時禮部堂官奏請

皇帝詣

几筵前行禮儀與咸豐十一年同○二十日奏准欽天
監補造光緒元年進呈

御覽時憲書係在二十七日之內未便以朝服將事

酌改為常服挂珠。○二十一日奉移。

梓宮於

觀德殿暫安。屆時禮部堂官奏請

皇帝詣

梓宮前哭奠酒三爵。每祭行一拜禮。

皇帝恭導

梓宮出。登大昇輦。

皇帝於東北隅西嚮跪。

靈駕啟行時

皇帝興於

靈駕左步行恭送。後扈人員隨行。近支王等御前大臣侍衛近前行走人員亦隨行。

靈駕出

東華門換二班時

皇帝西嚮跪。眾皆跪。

靈駕啟行

皇帝跪候過興乘輿入

東華門出

神武門豫往

殯宮祇矣

梓宮出

宮後。

大內宮眷由

神武門豫往

觀德殿祇俟。

梓宮至

殯宮大門前降大昇舉登小舉。

皇帝豫於門外之左跪迎哭。衆皆跪哭。校尉恭昇

梓宮入中門至

殯殿。

皇帝隨入立於殿檐東俟

梓宮奉安畢

皇帝詣奠位。祭酒三爵。每祭行一拜禮。衆皆隨行禮。禮畢。

皇帝還宮。

大內宮眷俱還宮。衆皆退。餘儀與咸豐十一年

文宗顯皇帝梓宮奉移

觀德殿同。每日三次照常供獻。初滿月以前每日三次陳設。

法駕鹵簿。滿月禮後停止。遇祭日仍陳設。大祭禮

後三時供獻。另開王等銜名奏派輪流奠酒。百
日以內。內務府三旗佐領管領下官員護軍領
催拜唐阿分作六班。一旗一佐領作一日。一旗
一渾托和作一日。輪班三時供獻時齊集舉哀。
○又奏准現據欽天監咨稱查得奉移日期於
原擇初祭大祭日期有礙。敬謹改擇得十二月
二十三日宜用巳時行初祭禮吉。二十五日宜
用卯時行大祭禮吉。○二十三日行初祭禮。讀
文致祭。用楮繪引幡一首。楮錠二十萬五千。楮
錢十四萬五千。色楮五萬。畫緞一萬端。連飯卓

八十一張。餼食九槽。酒四十一瓶。羊二十七。

法駕鹵簿全設。照例齊集。餘儀與殷奠同。徹饌送燎。

皇帝豫出

觀德殿左門

冠服至。跪候過興。還宮。齊集之王公大臣官員。隨同奠酒。貝勒於燎所行禮。舉哀畢。各退。○次日。繹祭。遣官行禮。儀與咸豐十一年同。○二十五日。行大祭禮。讀文致祭。次日。繹祭。遣官行禮。並與初祭及初祭次日。繹祭禮同。○又奏准。禁止屠宰。

日期

大行皇帝几筵前供獻。應供素饌。○又奏准恭上。

尊諡

廟號應用玉

冊玉

寶香

冊香

寶絹

冊絹

寶及盞箱袂架等項。交與工部敬謹成造。

冊文

寶文祝文。交與翰林院撰擬。所有書寫刊刻填青各吉期。由欽天監選擇。俟香絹。

冊

寶告成之日。由部以恭上

尊諡具奏。○二十八日。祫祭

太廟。係在二十七日之內。遵照嘉慶二十五年道光三十年成案。前期三日。

皇帝不致齋。祭日遣官恭代行禮。承祭執事各官均照例朝服。百官毋庸陪祀。其省牲視牲及承祭

官齋戒均用素服。○是日行歲暮禮。用楮錠五萬楮錢五萬。色楮五萬張。連飯卓三十一張。羊九酒十五瓶。讀文致祭。儀與初祭同。○二十九日奏准。百日內及百日外。

御用服色。一百日內恭遇。

大祀俱遣官行禮。

皇帝不致齋。百日外遵照本年十二月十八日王大臣等會議奏准章程。

郊

壇大祀遣王恭代。

皇帝於宮內齋戒。俟數年後奏請

親詣行禮。

太廟祭饗遣王恭代。

皇帝於宮內齋戒。俟二三年後奏請於致祭前一日

親詣行禮。其致祭日

親詣行禮之處。俟數年後請

旨遵行。至百日外二十七月內。遇齋戒日

皇帝於宮內常服。不挂朝珠。一百日外。元旦

親詣

堂子行禮之處。由禮部請

旨遵行如

親詣行禮

皇帝仍御禮服一百日外遇

列聖聖誕

親詣

奉先殿行禮御龍褂藍袍挂朝珠忌辰仍素服一二十

七月內凡遇中祀羣祀俱遣官行禮一宮內祀

神俟百日後舉行

親詣行禮初次御龍袍龍褂挂朝珠二十七月內御

龍褂藍袍挂朝珠一二十七月內恭遇謁

陵應遵照道光三十年奏准成案請

皇帝在途次御行衣恭謁各

陵時御青長袍褂冠緞纓一百日外二十七月內恭遇
兩宮

皇太后萬壽聖節

皇帝行禮時御龍袍袞服前三日後三日常服挂朝

珠一恭遇

皇帝萬壽聖節

皇帝詣

皇太后前行禮時御尋常袍龍褂禮畢易常服前三日

後三日仍素服。恭查嘉慶四年

高宗純皇帝大事。

仁宗睿皇帝因嘉慶元年業經舉行朝正大禮。是以二
十七月內元旦均不

御殿受賀。嘉慶二十五年

仁宗睿皇帝大事。道光元年元旦因係

御極之始

御太和殿二年元旦以尚在二十七月之內仍未

御太和殿又查咸豐元年元旦係照道光元年之例

御太和殿不宣表不作樂二年元旦係照嘉慶二十五

嘉年奏准之條不

御殿受賀查光緒元年元旦令節業經欽奉

懿旨停止

御殿受賀擬請於光緒二年元旦援照同治元年元旦之例

皇帝禮服

御太和殿不宣表不作樂詣

皇太后前行禮時仍御禮服光緒三年元旦援照同治二年元旦之例不

御殿受賀詣

皇太后前行禮。御龍袍。袞服。禮畢。御貂皮褂。挂朝珠。前
三日。後三日。御貂皮褂。不挂朝珠。忌辰。仍素服。
於初五日。補御貂皮褂。一日。二十七。月內。傳
臚不

升殿。二十七。月外。候

旨。遵行。

御門

臨雍

經筵

耕藉各典禮。俱俟二十七。月後。候

旨遵行。一百日外二十七月內封

寶開

寶。御龍褂藍袍。挂朝珠。一百日外每月朔望。

皇帝御常服。不挂朝珠。遇應御貂皮褂時。仍御貂皮褂。夏季戴緯帽。二十七日後百日內尋常

召見大臣官員及引

見官員。俱於便殿辦理。仍服縞素。一百日外二十七月內俱素服。夏季戴雨纓冠。

嘉順皇后以下等位。均百日縞素。二十七月內俱素服。如遇

兩宮

皇太后萬壽聖節元旦令節

嘉順皇后詣

兩宮

皇太后前行禮時俱吉服挂朝珠前三日後三日均常

服元旦後遇忌辰仍素服於初五日補穿常服

一日

嘉順皇后千秋令節詣

兩宮

皇太后前行禮時俱吉服挂朝珠

皇帝於是日御常服一日。

皇帝萬壽聖節。

嘉順皇后是日俱常服一日。前三日後三日仍素服。

一祭

先蠶壇二十七月內應遵照同治元年成案遣內務府大臣行禮至

親蠶典禮應候

旨遵行。王公百官等百日內恭遇

大祀遣官恭代承祭執事各官均朝服祭時作樂行禮

齋戒日素服冠緞纓二十七日以前百官不陪

祀百日外。二十七月內齋戒日。各官俱常服。挂朝珠。前期省牲視牲。各官俱穿補褂。祭日。咸朝服。一百日內。遇中祀羣祀。遣官致祭。承祭執事。各官俱素服行禮。百官不陪祀。樂設而不作。百

日外。二十七月內。齋戒日。各官俱常服。祭日。朝服作樂。一百日外。宮內初次祭。

神執事人員。俱蟒袍補褂。二十七月內。俱穿補褂。一。二。十七月內。元旦如遇。

駕詣

堂子隨

駕之王公大臣官員均穿朝服。王公文武官員。二
十七日後百日内穿青長袍褂冠緞纓。夏季戴
兩纓冠至

几筵前仍摘纓。其應穿百日孝之王大臣官員人等仍
服縞素。至百日外二十七日内王公文武大臣
官員均服青褂藍袍。夏季戴緯帽。遇朔望穿常
服不挂朝珠至

几筵前俱服青長袍褂冠摘纓。一奉移

梓宮至

山陵。隨從人員在途次穿青長袍褂冠摘纓。禮成後回

京時仍穿青長袍褂冠綴纓一百日外二十七
月內如遇恭謁

山陵隨從人員在途次穿行衣謁各

陵日隨從人員穿青長袍褂冠綴纓一百日外二十七
月內恭遇

兩宮

皇太后萬壽聖節正日王公百官俱穿蟒袍補褂前三
日。後三日常服挂朝珠。恭遇

萬壽聖節王公百官行禮時補褂朝珠禮畢常服挂
朝珠前三日。後三日常服不挂朝珠

萬壽日

几筵前上祭時執事官仍摘冠纓。光緒二年元旦令節王公百官隨從。

皇帝詣

慈寧宮行禮並詣

太和殿

皇帝前行禮咸朝服至光緒三年元旦令節

皇帝不升殿受賀王公百官蟒袍補褂一日前三日

後三日穿常服挂朝珠忌辰仍素服於初五日

補穿常服挂朝珠一日遇常服日應穿貂皮褂

者仍穿貂皮褂。恭遇

嘉順皇后千秋令節。王公百官常服挂朝珠一日。一百日外二十七日内。遇常朝坐班。及封開印信日。屆時俱穿補褂挂朝珠。二十七日後百日内引。

見官員俱穿青長袍褂。百日外穿青褂藍袍。遇朔望常服不挂朝珠。一百日内雨衣雨帽。隨褂不論品級均用青色。百日外帽套各按品級。雨衣隨褂仍用青色。外省在京各官赴

天安門謝

恩俱穿常服如遇鄉會試之年停止筵燕內外簾各
員謝

恩穿常服挂朝珠。二十七月內各衙門封開印信
告條仍舊黏貼其王公大臣百官官衙封條百
日後黏貼對聯門神至二十七月後張挂

欽定大清會典事例卷四百七十四

禮部

喪禮

穆宗毅皇帝大喪儀二

光緒元年元旦

皇帝暫御青長袍褂冠綴纓緯詣

兩宮

皇太后前請安。王公大臣及文武官員均穿青長袍褂
一日冠綴纓緯

皇帝詣

觀德殿

几筵前行禮。御青長袍褂。冠摘纓緯。停止舉哀。

几筵前執事人等仍服縞素。○初五日。行初滿月禮。用楮錠五萬。楮錢五萬。連飯卓二十一張。羊九。酒九瓶。陳。

法駕鹵簿。讀文齊集。所有奠獻送燎各儀。均與初祭同。○初八日。孟春時饗。

太廟正在大事百日之內。前期三日。

皇帝不致齋。祭日遣官恭代行禮。承祭執事各官。均照例朝服。其省牲視牲及承祭官。齋戒均用素服。穿百日孝人員。毋庸齋戒陪祀。其餘應行陪

祀人員均照常齋戒陪祀。○十三日。

祈穀壇大祀與時饗

太廟同。○十七日黎明。

午門前補行頒賜王公大臣並朝鮮越南時憲書。
王公百官執事各員照例穿朝服。○十九日開
寶。係在大事百日之內。

皇帝御青長袍褂冠綴纓緯至各衙門是日開印時
仍以堂官一人行禮如係奉

旨派出穿百日孝人員仍照上年奏准封印服色行
禮。其二十七日釋服人員屆時穿常服掛朝珠

行禮。○二十日卯正一刻。

皇帝登極計時在朝奠禮以前仍照咸豐十一年成案。是日卯正以前。

皇帝編素親詣。

凡筵前行祇告禮。隨從王公百官一體穿素服冠綴纓。其朝晡日中三奠一切執事人員仍服縞素。停止舉哀一日。○二十二日欽奉。

慈安端裕康慶皇太后。

慈禧端佑康頤皇太后懿旨。雙山峪著定為惠陵。即行擇吉興工。○二月初五日。行二滿月禮。

法駕鹵簿全設。讀文齊集。用楮錠一萬。楮錢一萬。連飯卓十一張。羊五。酒五瓶。餘儀與初滿月同。

以後凡滿月。禮均仿此。○二十日。

孝哲毅皇后崩逝。○二十七日。欽奉。

慈安端裕康慶皇太后。

慈禧端佑康頤皇太后懿旨。三月十一日辰時。行大行皇帝百日致祭禮。皇帝於巳時請髮。王公百官軍民人等一律薙髮。皇帝暫釋編素。後仍率王公百官等。自大行嘉順皇后崩逝之日起。補足二十七日喪服。百日請髮。○二十八日。以三月初二日恭上。

尊諡

皇帝御青長袍褂。冠綴纓緯於齋所致齋。○二十九日。行清明禮。供楮錢寶花一座。連飯卓二十五張。羊九。酒十有五瓶。

法駕鹵簿全設。照例齊集。不設。

冠服不讀文。不焚楮錠。

皇帝暫服縞素詣。

几筵前東立西嚮舉哀。所有舉茶上食奠酒行禮均如儀。○三月初一日日食。係在百日期內。各衙門救護各官。素服冠綴纓行禮。○又以次日恭上。

尊諡遣官告祭

天

地

太廟後殿

社稷承祭及執事各官均朝服告祭

奉先殿承祭及執事各官均補服。初二日恭上

尊諡儀與咸豐十一年十二月同。初三日頒

詔布告天下各直省

詔書俱交兵部轉發。外藩蒙古諸部由理藩院齎發。越

南暹羅緬甸等國交各該省督撫轉發。琉球使

臣現在京。交與恭齋回國。朝鮮使臣不日來京。
令其齋回。○十一日。行百日禮。讀文齊集儀。與
歲暮同。○二十三日。恭逢

穆宗毅皇帝聖誕。照例虔誠齋戒。不理刑名。禁止屠宰。
所有致祭各

陵及

太廟後殿

顯佑宮

東嶽廟

都城隍廟之處。俱行停止。○是日。

皇帝於朝奠前御青長袍褂冠摘纓緯詣

几筵前上香行三跪九拜禮齊集之王公大臣官員俱

青長袍褂冠摘纓隨同行禮鑾儀衛官豫設

法駕鹵簿於

殯宮門外停止舉哀其朝晡日中三奠仍照常供獻○

五月初五日端陽節

穆宗毅皇帝几筵前行禮用楮錠四萬五千楮錢四萬
五千色楮二萬連飯卓十九張羊九酒九瓶

法駕鹵簿全設照例齊集所有應行豫備一切事

宜由內務府奏交各衙門敬謹豫備○六月初

五日小暑節。是日卯時行六滿月禮。計時尚在
小暑節前。所有

冠服仍請陳設。其楮錠亦照常焚化。○十七日

諭。本年九月十八日朕奉

慈安端裕康慶皇太后

慈禧端佑康頤皇太后躬送

穆宗毅皇帝暨

孝哲毅皇后梓宮奉移

山陵沿途地方毋庸另備御道。○又

諭。本年九月十八日由觀德殿永思殿奉移

穆宗毅皇帝

孝哲毅皇后梓宮。朕追維

覆幬深恩。瞻仰

靈輿。尤深攀戀。屆期步行恭送至地安門外。藉以稍伸

哀悃。○二十日奏准。本年九月十八日。

穆宗毅皇帝

孝哲毅皇后梓宮奉移

山陵暫安。伏查

惠陵工程。一時尚難告竣。所有官員人役。自應暫緩設

立。其應行承辦一切祭祀事宜。請

旨飭下

陵寢大臣。遵照成案。奏明於各

陵酌量派撥官員兵丁夫役。以期敷用。俟

惠陵工竣。設立官員挑補人役。後再行遣回各處當差。

○二十二日。加上

孝穆成皇后

孝慎成皇后

孝全成皇后

孝靜成皇后

文宗顯皇帝

孝德顯皇后尊諡前期五日於

几筵前行祇告禮承祭王及執事各官俱青長袍褂冠

摘纓緯○又

諭軍機大臣會同禮部奏擬請舉行

升祔典禮一摺本年九月十八日

穆宗毅皇帝

孝哲毅皇后梓宮奉移

山陵距永遠奉安之期為時尚遠若俟永安

山陵後始行

升祔歲月稽遲殊無以妥

先靈而昭誠敬。朕心實有未安。

穆宗毅皇帝

孝哲毅皇后神牌。即於

奉先殿神庫內擇吉恭製。先行

升祔

奉先殿。俟將來

山陵永遠奉安禮成後。再行

升祔

太廟。該衙門其詳查典禮。敬謹遵行。○二十四日

諭本年九月十八日。

穆宗毅皇帝

孝哲毅皇后梓宮奉移

山陵前經降旨朕奉

慈安端裕康慶皇太后

慈禧端佑康頤皇太后躬送茲據禮親王世鐸等奏合

詞籲懇請暫停躬送一摺朕受

穆宗毅皇帝付託之重悲痛時榮瞻仰

靈輦尤深攀戀即親行引緋亦豈足盡哀慕之忱今王

大臣等合詞籲懇深恐朕體過勞請准暫停恭送

茲欽奉

兩宮

皇太后懿旨。覽奏深增悽愴。梓宮暫安隆福寺行宮。日月有時。山陵卜吉。追維往昔。悲感曷勝。若奉移之際。不獲親臨一視。中懷倍深慘怛。皇帝尚在沖齡。侍奉偕行。沿途藉資保護。王大臣等其毋庸固請。欽此。朕仰體

慈訓。曷敢有違。因思

兩宮

皇太后撫恤朕躬。方且無微不至。而當此

山陵大事。朕若自圖安逸。不克親行。問心其何以安。所

有躬送

穆宗毅皇帝

孝哲毅皇后梓宮奉移

山陵仍著各該衙門欽遵前旨敬謹辦理○二十八日
皇帝萬壽聖節御青長袍褂雨纓冠詣

几筵前拈香行三跪九拜禮停止舉哀隨從之王公大臣侍衛官員暫更青長袍褂雨纓冠至

几筵前上祭時執事人等仍摘冠纓○七月初三日
諭據恭理喪儀王大臣等合詞奏懇奉移

穆宗毅皇帝

孝哲毅皇后梓宮請朕準禮節勞步送至景山東門外
一摺朕受

穆宗毅皇帝付託之重悲慟時縈現在

梓宮奉移彌深攀戀前經降旨步送地安門外稍伸哀
悃何足盡依慕之忱今王大臣等以朕積哀之餘
深恐勞勩諄詞籲請送至景山東門外朕雖在沖
齡不勝遠步惟中懷瞻戀曷敢告勞若如所請祇
送至景山東門外而止朕心實所難安因念從前
奉移

皇考文宗顯皇帝梓宮曾奉

穆宗毅皇帝諭旨步送至地安門外。嗣因王大臣等合詞籲請仍親送至景山後。朕敬循

成憲不敢有違。此次奉移

穆宗毅皇帝

孝哲毅皇后梓宮。朕當步送至景山後跪俟

靈輦經過。再由間道豫往

蘆殿。祇候跪迎。藉以少伸哀慕。王大臣不必再行瀆請。

○十五日

皇帝親詣

几筵前行中元禮。所有陳設楮幣羊酒各儀均與同治

元年中元同其小暑以後立秋以前未焚楮錢
均於此祭一同焚化○二十二日奏准九月十
八日。

穆宗毅皇帝

孝哲毅皇后奉移

隆福寺暫安擬請遵照同治元年成案於

梓宮至

陵日遣官各一員告祭各

陵至告祭

后土

山神並恭代嚮

祖陵行禮之處俱俟永安

地宮時敬謹舉行。二十八日奏准本年九月

梓宮奉移

山陵後應行豫備祭祀各項事宜。凡致祭應焚化之冠服自道光三十年奉

旨改用畫緞應請交

陵寢工部照案豫備。每周月致祭並四時大祭除冬至禮應用牲帛由太常寺送往外其餘大小致

祭按照

殯宮之例仍用羊酒卓張焚化畫緞

冠服及楮錠統由

陵寢官員豫備。一每日致祭。每周月致祭。及四時大祭。應用器皿及反坫臺蓋卓張酒樽涼棚奠几杯壺金銀銅器等項。均由工部內務府光祿寺按照

殯宮致祭成例應用各件。由各該衙門逐細備齊。於行饗奠禮後交與

陵寢大臣收存。以備需用。俟奉安

地宮後。派員繳還各處。一每日致祭。並每周月致祭。令

直班之王大臣等輪班祭酒承祭執事行禮各員均青長袍褂冠摘纓每日致祭並每周月致祭令在

陵直班之王大臣侍衛並

在
陵寢大臣官員分班輪流齊集。每周月致祭時刻由

陵直班之王大臣隨時選擇。四時大祭謹照各

陵四時大祭遣官致祭之例屆時由太常寺奏派遣官承祭。

梓宮前應行陳設各件並卓凳几案及廉幙帷幔套罩

各項由各該衙門運往近前卓張及隨卓品味
數目式樣由內務府光祿寺開單知照

陵寢承辦事務衙門按照辦理。自饗奠後每遇致祭
所用鋪祇蓋祇楮錠衣版冥衣燎牀佛花均由
陵寢工部備辦。羊隻由

陵寢禮部撥用。並由慶豐司送乳牛十隻。隨時餵養。以
備對茶奶子。其每祭應用油麪肉腥乾鮮果品
以至燒酒黃酒並杯盤匙箸碗碟各項應需應
備物料由

陵寢衙門詳查行文咨取。或附近採買。所需銀兩奏明

辦理一。凡執事人役並執儀仗人等亦由

陵寢大臣酌量派撥。○八月初二日奏准。

梓宮奉移

山陵後。每周月禮致祭。是日。陳

法駕鹵簿。直班之王大臣暨

東陵派撥官員等敬謹將事。應齊集者各辨位集。俟每

祭用楮錠二萬。楮錢一萬。連飯卓十一張。羊五

酒五瓶。恭設畫殿

冠服於供牀。羊酒饌筵楮幣陳設如儀。屆時承祭官由

右門入。至殿門外西旁立舉哀。衆隨舉哀。茶膳

豫供執事官進奠几。

陵寢內務府官執壺遞酒杯。承祭官祭酒三爵。每祭行一叩禮。興衆隨叩興。乃徹奠。承祭官立於右。

陵寢官恭奉

冠盒衣版出。承祭官跪候過興。

冠服至月臺。直班之大臣侍衛等前引。

陵寢大臣官員等均依次跪候過興。

冠服至燎所。安於燎牀上。直班之王大臣祭酒三爵。

陵寢內務府官執壺。

陵寢禮部官遞酒杯。每祭行一叩禮。衆隨叩跪哭。哀止。

興各退奉安

地宮以前。每周月致祭。仿此。○初三日午時。

惠陵興工。遣官告祭。

山神並

后土

司工之神。○十七日丑時恭製。

穆宗毅皇帝

孝哲毅皇后神牌。禮部工部堂官各一員朝服詣

奉先殿神庫上香。行三跪九叩禮畢。敬謹開工。所有

奉先殿供奉

穆宗毅皇帝

孝哲毅皇后神牌應製之龕案

寶座

寶椅幃幔衾枕祭器各項均照例交工部內務府太常寺等衙門豫期妥悉詳查敬謹辦理○是日午時朝鮮國王遣使臣恭齋祭文禮物詣

几筵前進香一應禮節與同治元年同○又奏准

穆宗毅皇帝

孝哲毅皇后梓宮於九月十八日奉移

隆福寺暫安所有隨從之王公百官服色擬請在

遂次穿青長袍褂冠。摘纓於禮成回京時仍穿青長袍褂冠。綴纓至二十七日。

聖駕自燕郊回京。其在京王公官員接

駕所用服色亦請均穿藍袍青褂冠。綴纓緯。所有前往執事及恭送之王公官員。於至京入城之日俱照同治元年之案。用尋常袍青褂冠。綴纓緯。○又奏准九月十八日。

梓宮奉移

隆福寺暫安處辰時。

皇帝具縞素詣

穆宗毅皇帝梓宮前祭酒三爵。每祭行一拜禮興退立於左。執事官進小舉恭奉。

梓宮啟行。由中門出。

皇帝由殿左門詣大舉之左北面跪。

梓宮登大舉。

皇帝興是時恭代王於

孝哲毅皇后梓宮前祭酒三爵。每祭行一叩禮興退立於右。執事官進小舉恭奉。

梓宮啟行。恭代王恭導。由中門出登大舉。校尉昇請。由中路行至。

景山東門內。

皇帝西嚮跪迎。興仍詣

穆宗毅皇帝梓宮左旁步送。

梓宮出

景山東門至

景山後

皇帝跪候過興。由間道先詣第一站大營祇候。俟

梓宮將至。

皇帝於

蘆殿網城後門外東旁跪迎。候過興隨行。

梓宮入

蘆殿時

皇帝暫入等城侯奉安畢供獻果卓

皇帝先詣

穆宗毅皇帝梓宮前行夕奠禮祭酒三爵每祭行一拜

禮次詣

孝哲毅皇后梓宮前行夕奠禮奠拜均如前儀出詣宿

次次日早奏請

皇帝詣

蘆殿

穆宗毅皇帝梓宮前行朝奠禮。祭酒三爵。每祭行一拜禮。次詣

孝哲毅皇后梓宮前行朝奠禮。奠拜均如前儀。

靈駕以次啟行。

皇帝於東旁隨行。出東門。於網城外南邊跪候。

靈駕過興乘輿由間道詣宿次等候。以後每日朝夕行禮均照此儀。二十一日。

皇帝於

蘆殿行朝奠禮後。豫詣

隆福寺恭候。

梓宮至

隆福寺大門外。

皇帝跪候。換小舉畢。興躬引。

梓宮以次由中門入。先行安奉。

穆宗毅皇帝梓宮於正殿正中。是時校尉昇請孝哲毅皇后靈駕。小舉於殿門外暫停。

皇帝於

穆宗毅皇帝梓宮前。恭代行三跪九拜禮。興安奉。

孝哲毅皇后梓宮於殿內東次間。執事官各於

几筵前供獻果卓畢。

皇帝先於

穆宗毅皇帝几筵前祭酒三爵。每祭行一拜禮。再詣孝哲毅皇后几筵前祭酒三爵。每祭行一拜禮。退還宿次。次日行饗奠禮。讀文致祭。

皇帝親詣

穆宗毅皇帝

孝哲毅皇后几筵前奠酒行禮致祭禮畢

皇帝御青長袍褂冠。綴纓緯。恭謁各

陵禮畢。還行宮。○九月十七日。行祖奠禮。陳設羊酒楮幣如數。照例齊集。祭畢。將清明所供之寶花。隨

楮錠一同焚化。○是日以次日

梓宮奉移遣官告祭

天

地

太廟後殿

奉先殿

社稷壇。○又欽奉

慈安端裕康慶皇太后

慈禧端佑康頤皇太后懿旨。內庭宮眷等沿途奠酒禮節。著隨時聽候由內傳旨。○十八日五鼓鑾儀衛陳

冊
法駕鹵簿恭理喪儀王大臣率工部內務府官將

冊

寶案

寶牀香案香几銀五供等項由

觀德殿移出送至

蘆殿黃幔素帷等項豫送

隆福寺暫安處鑿儀衛同工部官豫陳

冊

寶黃亭禮部堂官內務府大臣恭奉香

冊香

寶安奉黃亭內俟

靈駕啟行時校尉昇請在鹵簿後隨行工部官陳八十人。大舉及三十二人小舉於

觀德殿大門外。其一百二十八人所昇大舉以城門不能容。請照例於第一跣宿次。豫備恭理喪儀。王大臣禮部工部內務府鑾儀衛大臣率執事官及穿駕衣校尉。豫進小舉。敬謹豫備妥協退出。屆時禮部堂官奏請

皇帝詣

梓宮前舉哀。執事官進奠几。

皇帝祭酒三爵。每祭行一拜禮。興立於左。恭理喪儀。王大臣禮部工部內務府鑾儀衛大臣率執事官及校尉等進恭請。

梓宮出

觀德殿大門外登大舉禮部堂官祭舉祭酒三爵。每祭行一叩禮。焚楮錢。王公百官等各辨位集俟。奉移祭酒時。衆皆隨行禮。四品以下有頂戴官員以上。及年老不能步行之大臣官員俱在城外關廂內齊集俟。

梓宮奉出時。皆跪舉哀。往送之。王公大臣官員等隨行。

至關廂外。換二班時騎馬。其不往送者亦至換二班處各散。公主福音命婦在照常齊集處齊集舉哀。俟。

靈駕啟行。往送之公主福音命婦等於別路先往。其不往送者各散。令喇嘛一百八衆在。

觀德殿大門外恭送。

梓宮外罩加以黃色絨絡所備轎套黃油單絨繩等項。在前嚮近處行走以備需用。太監等每班派出十名。侍衛每班派出二十員。俱分班更換。在。

梓宮兩邊步行。其近前行走之王大臣侍衛內監等在。

梓宮兩邊騎馬隨行。恭理喪儀。王大臣禮部工部內務府鑾儀衛大臣於

梓宮兩邊騎馬巡查照管。每換班時。下馬照看。隨行之王大臣侍衛官員內監等俱下馬跪候換班畢。起行時上馬。在原處隨行。此後執豹尾槍侍衛行走。次帶領衆人之侍衛行走。又次王大臣官員依序行走。所過門橋內大臣二員輪班祭酒三爵。每祭一叩興。焚楮錢。光祿寺官奉壺。禮部官進爵。包衣官員沿途揚撒楮錢。至

蘆殿相近。末班王大臣官員豫從他路先往黃布城北

門外按翼排立

梓宮至跪迎舉哀候過從黃布城兩旁牆外至大門前

按翼排立鑾儀衛將

法駕鹵簿排設於大門前

梓宮連槓安奉畢禮部內務府大臣恭奉

冊

寶安於

梓宮兩旁案上供果卓行夕奠禮

皇帝祭酒三爵每祭行一拜禮衆皆隨行禮舉哀沿

途百里內地方文武官員於道右跪迎舉哀候

過至宿處在黃布城外。行三跪九叩禮。供獻時。文職在正藍旗之末。武職在鑲藍旗之末。行禮舉哀。徹卓張畢。衆皆散。鑾儀衛徹鹵簿。工部帶領執事人等。將大舉兩旁。敬謹加添一百二十八人肩楨。次日早設。

騎駕鹵簿。衆皆按翼齊集。屆時。

皇帝詣

梓宮前。行朝奠禮。祭酒三爵。每祭行一拜禮。焚楮錢。衆皆隨行禮。禮部內務府大臣恭奉。

冊

寶安奉黃亭內奉移

梓宮出時。王公大臣官員等按翼排跪舉哀。候過隨行。至換班處。乘馬仍在原處行走。凡每程齊集行走之處。俱照此例。所有

法駕鹵簿。豫送至

隆福寺暫安處。在附近地方迎設。俟

騎駕鹵簿到。各在本處下馬。同行至

隆福寺暫安處。排設沿途。交與武備院酌量。邨莊寬廠處所。搭蓋涼棚。收放漢鑾儀衛使帶同官校。搭蓋帳房看守。所撥校尉酌量足用。交鑾儀

衛官約束往返計日給發路費。其運送鹵簿及校尉乘坐裝運被褥車輛交都察院由五城酌量雇給。所有昇請

梓宮夫役分為六十班輪流昇請自

觀德殿奉移至

山陵頭班末班俱用校尉。餘班俱選精壯民夫。每班多備四名。共計夫役七千九百二十名。行文直隸總督於所屬大興通州三河遵化附近等州縣選用。其衣帽鞋襪豫備整齊。管轄照看。著直隸總督率道府等官帶領前來。會同本班管轄夫

役官員。在都門外演習。豫備應用。自演習以至奉移。

山陵共計若干日。每名每日各給制錢六十文。由戶工二部給發。仍免丁差一年。再撥校尉四十名。均穿駕衣。每班派令四名。在兩旁步行。遇夫役內有力不勝者。即行更換。其餘三十六名。令騎馬在鹵簿前兩旁行走。更替。每班管轄夫役。以少卿科道以下。主事以上。八旗公侯伯以下。參領雲騎尉以上。前鋒參領。護軍參領。八旗參領。副參領。上三旗頭等侍衛。下五旗王府長史。內移。

取能事者。每班四員照管。並令其演習本班夫役進行走。再夫役每宿所需食物住宿等處。若止令本班官照看。恐不能周及。應於部院衙門賢能科道等官。酌量揀選分班。會同督率夫役之道府等官。公同照看。每班仍派鑾儀衛官二員。指示更換進退。至鑾儀衛官校領取所騎之馬。交與鑾儀衛辦理。搭綵頭目八人。分為二班。擊響尺行走。夫役等所用駕衣翎帽輪班穿換。所有第一班校尉夫役。並擊響尺頭目四名。鑾儀衛官四員。令內務府工部堂官等帶領。即

於網城外帳房內住宿。每宿

蘆殿前門及

梓宮前點香鐙。各派太監十名。內裏太監俟香鐙盡時。將香鑪內炭火止熄。出與前門太監十名輪班坐更守護。後門亦派太監二十名看守。圍牆內外。豫備激桶八座。由八旗步軍營取用。每旗派章京一員。領催兵丁各十名。每日清晨。令各旗檮至宿處。每宿交地方官於

蘆殿周圍。設放水缸。滿盛清水。其黃布城正門後門網城周圍。看守並守衛。

山陵安設堆撥巡查之處交與內大臣前鋒統領護軍統領內務府等衙門辦理

靈駕至日所有業經奏准由

陵寢大臣派撥官員人等俱在

隆福寺附近地方跪迎舉哀候過隨行

梓宮至

隆福寺暫安處大門外換三十二人小舉由中門入安奉

梓宮於

正殿正中設黃幔素帷五供香几等項禮部內務

府大臣恭奉

冊

寶於

梓宮兩旁案上。一切安奉畢。供果卓

皇帝祭酒三爵。每祭行一拜禮。衆隨行禮。焚楮錢。禮畢各退。○又奏准嗣後周年每日仍三次供獻。初周年後每日設午奠一次。每月朔望仍三奠。致祭日。近前卓張及每日供獻卓張交與

陵寢總管內務府官員內管領等豫備沿途所供之茶

至

陵日所供茶膳由茶膳正豫備所用器皿由茶膳頭目帶往其別項由各該員帶往沿途所用羊隻由慶豐司備辦至

陵後所用羊隻等項由

陵寢禮部豫備沿途供獻卓張至

陵日及饗奠禮致祭應用器皿隨卓等項由光祿寺備辦至運送器皿等物所用車輛酌量於兵部移取馱載茶桶茶壺馬匹及人役所騎之馬由上駟院取用蒙古帳房等項由武備院豫備沿途所撒楮錢焚化楮錠造辦供獻果卓之席棚一

應器皿等項並修理道路

蘆殿內鋪設氈毯等事均由工部等衙門辦理其送往之王貝勒貝子公滿漢文武大臣官員近前隨行之王公官員等俱由各衙門自行奏派各衙門司官由各該堂官派往所用黃布城網城白城等項由該衙門自行查照辦理交與派出之護軍統領嚮導官參領等豫備支搭每日供獻時直班之王大臣及

東陵派撥官員人等俱齊集其沿途及行饗奠禮時齊集行禮之處均由鴻臚寺派員排班恭候

蘆殿啟行時刻仍照成案。自十九日起至二十二日止。每日均於寅初一刻豫備。卯初一刻啟行。○又奏准

梓宮奉移

山陵安奉謹擬恭送

梓宮之三品以下文武各員無執事者於二十一日送到後。先行回京。其無差使兵丁夫役人等。著原帶之員即行帶回。王公及二品以上大臣文武官員等。除輪應住宿之王大臣等在

陵直班及隨扈之王大臣等隨扈回京外。其餘各員均

於二十二日饗奠禮畢回京。○二十二日行饗奠禮。用楮錠三萬。楮錢三萬。色楮三萬。連飯卓二十五張。羊七。酒十五瓶。

法駕鹵簿全設。照例齊集。

皇帝親詣行禮。儀與祖奠同。祭畢將

騎駕等項。同楮張焚化。其

法駕鹵簿交。

陵寢大臣敬謹收存。遇祭日仍陳設。○是日謁

陵後。更藍袍石青褂。至

普祥峪。

菩陀峪萬年吉地看視工程。二十三日詣

几筵前行早祭禮後御藍袍青褂至

惠陵看視工程。又奏准十月初一日孟冬致祭仍照
成案由派出在

陵之王大臣二人服青長袍褂冠摘纓詣

梓宮前致祭各奠酒三爵每奠行一叩禮其祭品等項
及一切應備事宜由

陵寢官查照各

陵孟冬致祭之例及歷屆成案一律敬謹豫備。十一

月二十日辰時

穆宗毅皇帝

孝哲毅皇后升祔

奉先殿神牌書寫埽青。派滿漢大學士各一員朝服詣神牌前上香。行三跪九叩禮。敬視書寫埽青畢。復行三跪九叩禮於恭製

神牌處所。暫行安供。即由該處官員太監每日點香。鐙守視。○二十四日。遣官祇告。

奉先殿內務府掌儀司官入。

後殿寢室昭第五龕陳設香案。

寶椅。

寶牀及帷幔衾枕鑪擎供器等項如儀。二十五日。
暫安寢殿几筵前遣官行冬至禮由

陵寢大臣遣派將事供牲帛三獻承祭執事各官均服
青長袍褂冠摘纓停止舉哀行禮如儀。十二
月初五日。

暫安寢殿几筵前遣官行周年禮各衙門文武官員派
三分之一之半用楮錠五萬楮錢五萬色楮五
萬連飯卓三十一張羊九酒十五瓶

法駕鹵簿全設讀文致祭照例齊集所有承祭及
執事各官均青長袍褂冠摘纓緯應行陳設之

畫緞

冠服並楮錠羊酒卓張反坫臺蓋燎床鋪袱蓋袱涼棚
等項交

陵寢各衙門敬謹備辦祭文由翰林院撰擬由禮部敬
謹封交兵部轉齋至

東陵承辦事務衙門繕寫祭文內恭書

御名令

陵寢讀祝官恭讀贊禮執事各官均由

陵寢大臣遴派將事是日恭設

穆宗毅皇帝畫緞

冠服篚於供牀。設幕於門外。陳燎牀於燎所。具楮幣。陳果筵於

几筵前。列饌筵於兩旁。陳羊酒於幕內。設祭文案於殿檻外。稍西。讀祝官恭奉祭文。

陵寢禮部官二員導引。入設於案。在

陵直班之王大臣侍衛等在

大門內排立。

陵寢大臣暨派撥官員等在

大門外各按翼排立。屆時承祭王入。至殿門外西旁立舉哀。衆隨舉哀。茶膳豫供。執事官進奠几。

承祭王詣几前跪。衆隨跪。讀祝官恭奉祭文於承祭王之西跪。導引之。

陵寢禮部官二員跪展祭文。哀暫止。讀祝官讀文畢。陳於案。復舉哀。

陵寢內務府官執壺遞酒杯。承祭王祭酒三爵。每祭行一叩禮。興。衆隨叩興。徹奠。承祭王退立於右。讀祝官奉祭文。

陵寢禮部官二員導引。送至燎所。俟。

冠盒

衣版出。承祭王跪。候過興隨行。

冠服至月臺在

陵直班之侍衛等前引在

陵直班之王大臣侍衛暨

陵寢大臣派撥官員人等均依次跪候過興隨行

冠服至燎所安於燎牀上祭文安於

冠服之前承祭王祭酒三爵

陵寢內務府官執壺

陵寢禮部官遞酒杯每祭行一叩禮衆隨行禮跪哭哀

止興各退○二十八日

暫安寢殿几筵前遣官行歲暮禮儀與周年同